

# Aro Bari Satkania Lyrics | Riad Hasan

[Awwlyrics.com/aro-bari-satkania-lyrics/](http://awwlyrics.com/aro-bari-satkania-lyrics/)

## Aro Bari Satkania Lyrics in Bengali

আঁরো বাডী সাতকাইন্যে  
আর তোঁয়ারো ফটিকছড়ি  
আঁরো বাডী সাতকাইন্যে  
আর তোঁয়ারো ফটিকছড়ি  
তোঁয়ার হাছে আঁর মনর হতা  
ফাটাইয়ুম ক্যান গরি ননাই

হদিন আগে তুঁয়ার বদা  
লইয়ে মোবাইল হারি  
তুঁয়ার বদা লই ফালাইয়ে  
তুঁয়ার মোবাইল হারি  
এখন আঁরা মনর হতা  
ফাটাইয়ুম ক্যান গরি ননাই

আঁরো বাডী সাতকাইন্যে  
আর তোঁয়ারো ফটিকছড়ি  
তোঁয়ার হাছে আঁর মনর হতা  
ফাটাইয়ুম ক্যান গরি ননাই

তোঁয়ারে ফ্রতম দেইঙ্কিলাম  
আঁর তালতো বইনুর বিয়েত  
ফ্রতম দেহাত মন দিফালাই  
জাগার মইখি থিয়েত

তারফর  
ফেসবুকুত অ্যাড গরিলাম  
গুডা রাইত চ্যাট গরিলাম  
ফেসবুকুত অ্যাড গরিলাম  
এতাইন এতাইন লাইক ও দিলাম  
বোত হুঁষ্ট মন ফাইলাম

হত ডিবিলিং গরি ননাই  
আঁরো বাডী সাতকাইন্যে  
আর তোঁয়ারো ফটিকছড়ি  
তোঁয়ার হাছে আঁর মনর হতা  
ফাটাইয়ুম ক্যান গরি

চাঁনগা আবাসিকুত থাইকতু  
তুঁয়ার মেঝ-হালা  
বেরাইতে আইলে তুঁয়ারা  
আঁর মন অইতু উতলা

সুযোগ বুঝি আঁইও আইসতাম  
লুয়োই লুয়োই দেহা গইতাম  
দুইজন মিলি সিবিঝ যাইতাম  
নিউমার্কেট ফালিদা হাইতাম

হত মজা গরি ও ননাই  
আঁরো বাডী সাতকাইন্যে  
আর তোঁয়ারো ফটিকছড়ি  
তোঁয়ার হাছে আঁর মনর হতা  
ফাটাইয়ুম ক্যান গরি

একদিন তুঁই হবর দিলা  
জলদি দেহা গর  
দেহা গরি হবর উনি  
অই গেলাম সাব-দড  
বিয়ের ফ্রস্তাব আইস্যে  
তুঁয়ার নাজিরাইটে ফুয়া  
ফুয়া তাহে দুফই দেশত  
বাডি তুউলি়্য নুয়া  
উন্দি  
তুঁয়ার বদা আঁরে তুয়ার  
দরিতাইল্যে দিবু চুয়াড  
তুঁয়ার বদা আঁরে তুয়ার  
দরিতাইল্যে দিবু চুয়াড  
আঁরার বালোবাসার হতা  
অইয়ে জানাজানি ই ননাই

আঁরো বাডী সাতকাইন্যে  
আর তোঁয়ারো ফটিকছড়ি  
তোঁয়ার হাছে আঁর মনর হতা  
ফাটাইয়ুম ক্যান গরি